

# ДЖОЙС МАЙЕР

## МАШАР

«...Синтем боцуш ма хульйла шун  
дегнаш, кхера ма лойла уьш».  
Яхъяс 14:27

ДЖОЙС  
МАЙЕР

МАШАР

«...Синтем боцуши ма хульийла шун  
дегнаш, кхера ма лойла уши».  
Яхъяс 14:27

Делан Йозанаш тIера ерриге а цитаташ, леррина билгалонаш а ца еш, Делан Йозанийн шординчү гочдар тIера ялийна (The Amplified Bible).

СПБ элпашца билгальяхна цитаташ Делан Йозанийн Синодальни гочдар тIера ю.

Машар  
Джойс Майер

PEACE  
Joyce Meyer

ISBN 0-89274922-9  
© 1995 by Joyce Meyer  
Life in The Word, Inc.  
P.O. Box 655  
Fenton, Missouri 63026

Ерриге а бакъонаш авторийн бакъонийн законашца чIагIина ю. Книгин а, мужалтан а чулацам цхъаьний я дакъошца яло мегар дац авторан йозанца еллачу бакъонца бен.

## **Чулацам**

1. Хүн ду шун дагчохь? .....	7
2. Муха карор бу синтем .....	11
3. Делан машар хульийла олалла деш .....	15
4. Мила ву вайн дагахь дерг лачкъош верг? .....	19
5. Синтеме хилар сел мехала хүнда ду .....	23
6. Зуийчу хенахь вай дийриг .....	29
7. Таханлерчу дийнахь даха .....	35
8. Долано машар бахья .....	39
<i>Керла дахар доладе!</i> .....	42

« ... Вочунах дIавирзина, диканиг дойла џо  
(аъхналла, синтем, кхерамех паргIатвалар  
лахар, џа оъшу гIуллакхаши, девнаши дIатасар),  
машар лохийла, цуңгахъа къуййсуши. (Делаца,  
накъосташица, хъояца хъайца машаре  
юкъаметтигаш хила лиъна џа Iаш, уыш  
хилийта а, џаърга кхача а хъажса!)»

*Кипин хъалхара кехам 3:11*

*Ас Деле доъху, хIокху книгано шуна дагчохъ  
машар хилийта гIодарна, ткъа и машар «шун  
муълххачу кхетамал лакхара а болуш».*

*Пилапхоника 4:7*

# 1

## ХIун ду шун дагчохь?

«Машар буьту Ас шуна, Сайн машар ло Ас шуна. Дуьнено ца лучу тайпана машар ло Ас шуна. Синтем боцуш ма хульйла шун дегнаш, кхера а ма лойла уьш.(Саготта ма хила,дог дохий а ма хила,кхера а ма кхера, цхъянгге а шавш кхера ма дайта, осала а, ийзалуш а ма хила)».

Яхъяс 14:27

И дешнаш мосуйттаза деша, ойлае царах лаций, шайн кхетам чу дижийта уьш.

ГондIахъарчу дуьнено шун дахарехь шуна луьчу кепара бен синтем лур бац, ткъа иза шун дахарехь дерриг а шуна хеттачу агIор дIадоьдуш хилча хульуш ду. Амма цхъа цатам я хало нислахь, синтем оцу сохъта дIаболу, ткъа дагчу сагатдар а, кхерам а бодIу.

Ткъа Дала леррина къобалвинчу Ийлас луш болу машар цкъа а дIакъастьтар бац шух я

дикачу а, я вочу заманашкахъ, шу хъал долуш я таро йоцуш дохкуш делахъ. Цүнан машаро мульхха а дарц сацор ду.

Алийша, гуттар а дерриге а шайна ма-луу хила даый шуна? Шуна халахетийта ца лая суна, амма иза кхочуш ца хин болу сатийсам бу. Дуккха а шерашкахъ сайна ца товш долчух длаакъаста гиртира со. Халонаш а, зераш а сайна уллохула тіехдовлийла лаяара суна. Амма иза айттехъя а дацара. Ас Далла Іамал алсам мел йо а, со кхетара, дахаран дарцехула, халонашкахула, дагчохъ машар а болуш, чекхвала веза, са а ца гатдеш, холчу а ца хільттуш, тіаккха уыш сиха длаевр ю.

Делан Йозанийн агІонаш тіера Дала вайга кхайкхам бо, ма кхера бохуш (хъовса «Яхъяяс длаязбина хаза кхъ» 14:27). Ас дукхазза а дийшира и аят, дуккха а хенахъ цунна тіехъ ойла а йира, цкъа тіеххъана со кхийтира, айса деш дерг билггал и хилар: ас сагатдо, мульххачу бахъанина со додгоыхна а хульу.

Дагадаитя шайна Іийлас шен мурдашка бехк баккхар, цаъргахъ тешар дац айлла, уыш чөгің мох баялча кхерабеллачу хенахъ (хъовса «Марка длаязбина хаза кхъ» 4:40). Иза синтеме вара, цул сов, Иза чөгің наб кхетта вара, ткъа мурдаш бойхна хъийзара.

Ткъа шу? Ийсаца хIордан кеманна тIехъ а долуш, мох чIогIа баылча, паргIат Iалур дарий шу?

Шайн дагчохъ машар латтабе, тIаккха хIора дийнахъ дахарх даккхийдеш хир ду шу.

## 2

# Муха карор бу синтем?

**ХЬ**огахъ синтем муха хила беза боху хъехар пайден хир дац, нагахъ цо билггал гойтуш дацахъ иза муха дан деза.

Цхъа бакъдерг ду, дахарх самукъадала а, дагчурга синтем дла ца балийта сунаго дина долу. Иза хIара ду: дан ца далуш дерг дан гIертар цхъа а майна долуш хIума дац. Ткъа шу гIертий дан ца луш дерг дан? Юха дог духий лелий шу, шаш лелочух гIуллакх ца хилча? Шульга дан ца луш дерг Деле далур ду, Цо иза дийр ду, Ша йиллина хан тIекхарьча. Цхъа гIуллакх кхочушдан йиллинчу хенал совдаякхина шульга хIумма а далур дац. Шульга иза далахъ а, шайн хиллачу жамIана шу реза хир дац. Дала дечүнга хъольжуш Iе. Цо дечо Цунна сий дахъар ду, ткъа шуна – машар а, синтем а.

Дан ца луш дерг дан г̄ертар хIун бохург ду? Масала, шу хъавсиний цийнда, бераш, кхин гергара нах, доттагий хийцабалийта? Адамашка ца хийцало адамаш, ткъа Деле хийцало. Нагахь вай цхъана стагана, иза хийцавалийта г̄ерташ, ницкъ баъхъ, вон массарна а хир ду. Адам тайп-тайпанчу тIедахкарша охъатайна латторхъама кхойллина дац, цунна харжаман паргIато оьшу.

Сайн маренан хъалхарчу шерашкахъ ас къаъюгурга, Дейве гольфах ловзар дитийта г̄ерташ. Цу ловзарна цо дукха хан йойъу айлла, хетара суна, дукхайолу хан цо сайца яккха лаъара суна. Сайн Іалашо кхачъян г̄ерташ, ас ца деш хIума ца дуьтура, ур-аттал цхъацца кийтарлонаш а тIехъ: цунна оьгIазъохура, иза къарван г̄ертара, цуңца къамел ца дора... Цкъацца иза юхаволура, цхъана ханна гольфах ца ловзуш Іара, амма сан цу балхах самукъя ца долура, хIунда айлча суна хаъара, цо иза, даггара а доцуш, ас тIеяткъам барна динийла. Нагахь шу цхъарь дайтархъама стаг охъатай г̄ертахъ, цу гIуллакхо шун синтем а, самукъадалар а дойъур ду, ур-аттал шун Іалашо кхочушхилахъ а.

Я кхин масал: шу реза дац шайн синан хъолана, иза хийца г҃ерта шу. Иза Дезачу Синан г҃оинца бен далур дац. Иза гуттар а юххехь а ду, гуттар а г҃одан кийча а ду. Цо шу Далла гергахъя а, синца кхиарехъя а далор ду.

Я, аyr вай, шуна шайгахъ цхъя хIума ца тов, иза дIадаккха лууш ду шу. Шегара вон хIума дIадаккхар чIогIа мехала гIуллакх ду. Амма шуьга иза дика а, сиха а далур ду, нагахъ аш Деле гIо дехахъ. Шуна гур ду, Цо кхочушбийр бу шун лаамаш.

# 3

## Делан машар хульийла олалла деш

«Дала елла йолу синпаргято хульийла шун  
дегнаш чохь олалла деш (кхелахо а хилла,  
нийсонца а, хадам болущ а къастадойла ѝо  
дерригэ а...».

*Ковлусихошка 3:15*

Спортан къийсадаларшкахь кхелахочо сацам бо, толамхо мила ву олий. Иштта синпаргято а хила еза и кхелахо, шун дахарехь хIун хир ду, хIун хир дац къастош волу.

Дуккха а нахана синтем ца карабо, хIунда аылча цара тидаме ца оьцу Делан лаам, шайн лаам кхочушбар хъалха а доккхий. Шайна гIолехь я нийса хетарг до цара, Делан Даших дага а ца довлуш.

Сан дукхазза а альтто болура хIара я важа лаам кхочушбан, иза айса дан деза олий, хетара

сұна. Амма цкъа со кхийтира: нагахъ дагчохъ машар бацахъ, сайн лаам Іадбита беза ас. Шайна чохъ болчу машаре ладогІа, тЛаккха дуккха а Галатех хъалхадевр ду шу. Масала, хIума ма эца, къастьтина езаниг, нагахъ дагчохъ машар бацахъ. Шуна мел чIогІа иза езарх, шу дохкодевр ду иза эцахъ, хIунда аylча Дезачу Сино эрна хаам бийр бацара шуыга цу хъокъехъ.

Соъга дукхазза а дехар до, хъехам бе олий. Амма цкъаццIа со реза ца хульу, дагчохъ синтем цахиларна. Со хIинца билггал тешна ю: нагахъ цхъанхъ яха дезаро сан синтем байинехъ, амма со хIетте а цига йодахъ, тIаъхъ со дохкоер ю, юха сан цига яха езаш цахиларан бахъана а гучудер ду.

Суна дагадогІу, со Далла гIуллакх дан йолаеллачу хенахъ, соъга цхъана метте кхайкхинера. Цу хенахъ соъга сих-сиха ца олурा хъехам бан йола, цундела ас хазахетарца тIеоъцира массо а кхайкхар. Хъехам баран мұлхха а аytto хилар суна чIогІа дезаш хIума дара, цундела со резахилира.

Амма хIоразза а сайн яха дезарх ас ойла йича, сан дагтIехъ синхъовзам хульура. ИзатIаъхъ-тIаъхъя чIагІора, тЛаккха эххар а сан синтем байра сайна хIун ду а ца хуучу бахъанина. Со кхайкхинчу метте ца яха ойла

хилира сан. «Шуна сан метта ван цхъаь ца каравахь, со йогIур ю, – элира ас, – амма, стенна делахь а, цхъа тамашийна сингаттам лаyttta-кх сан дагtIехь, шу долчу ас йогIур ю аylчхъана дуйна». Сох кхета а кхетта, цу гIулакхах со мукъа йитира соьга кхайкхинчара.

Паыхъо сунна хиира, со хъехам бан яха дезачу дийнахь оха Далла Йамал ечу меттехь керла гIишло яра схъайоъллуш. Цу хенахь со динан ден гIоънча яра, цундела цу меттехь со ца хилча ца йолура.

Ваьш цхъа сацам тIеоъцучу хенахь дагtIехь синтем бу-бац хъовсаデザ вай. Дукха хъолахь и синхаам цхъаь бен йоцу билгало хуьлу, вай цхъа сацам бан беза я ца беза гойтуш йолу. Дала бохучунна тIаыхъа а хIиттий, Цуьнга шаш дIадигийта, тIаккха шун дахар гуттар а машарх а, хазахетарх а дуьзна хир ду.

# 4

## Мила ву вайн дагахъ дерг лачкъош верг?

**XI**ора стеган сагатдан бахъанаш хульу. Дерриге а вайн дахарехъ иблисо вай толлу. Цунна дика хая, уггар а дукха шун сагатдеш а, синтем бойъуш а дерг хIун ду. Амма шуна а хaa деза шайн сагатдеш дерг хIун ду, халачу хъолехъ машар а, синтем а ларбархъама.

ХIораннан а шен бахъанаш ду синтем байна хила. Масала, ас сагатдечунна Дэйва гаттане а са ца гатдо. Суна тийналла еза, гловгIа соыга ца лало, ткъа Дэйвна иза цхъана а кепара новкъя яц – иза книга а йошууш Ia, йоЙа чIогIа музыка а лоукхуйтущ, ткъа кIант жIаълица лайттахула керчаш ловзучу хенахъ.

Соыга сихаллехъ хIумма а ца дало, тIаъхъайисар а чIогIа ца деза суна. Ткъа Дэйв паргIат шен гIуллакх чекхдоккхуш хульу, юха, це яълча санна, девдда даха дезаш хульу тхо.

Ишттачу хIумано сан дог датIадо, со синтемах а йоккху. Ткъа Дэйв дог доыхна хульу, кеманна тIехаа цхъа сахът хъалха ша аэропорте ца кхачахь я ловзар дIадоладале сахът хъалха гольф-клубе вар шен ца нислахь.

Вай дерриш а тайп-тайпана ду. Стен лачкъабо вайн синтем? Шайн синтем «лачкъочу хIуманийн» список а хIоттай, дозалехь йийцаре е иза. Къастаде, хIоранна ца дезаш дерг хIун ду. ТIаккха кхечунна новкъадогIуш дерг ма де.

Суний, сан цийндений гольфах ловзар дукхадеза. Суна иза садаIар а, самукъадалар а делахь, Дэйв – леррина ловзу, цундела цүнца ловзучу хенахь сөяга забар ца яло, цо нийса тохар ца дина айлла. Тхойшиннан цхъальна самукъадолу, амма суна хазахеташ дерг цунна ца товш меттиг а хульу, цундела ас иза дицдан ца оьшу. Нагахь хьо стагаца Iаш йолу дуккха а хан елахь, хъуна цүнан ледара агIонаш а, цунна марзделларг а дика хая, цундела, хьо хъекъалца лела дела, ахь цүнан синтем бойьуш дерг ца до, иштта дац иза?

Дэйва гуттар а лардо суна лууш дерг а, марзделларг а.

Иза гIовгIа ца ян гIерта, со цхъаь деш я садоIуш йолчу

хенахъ. Цу тIе, цунна хая, кIадъелла хилча,  
муылххачу бахъанина а со оыгIазийдийла.

«...дахаран мохъ базбелча, вовшашна го де»  
(Галатахошка 6:2,СПБ) – вовшийн ледарлонаш  
ловш хилий вай, кхачамбацарш вайн хIораннан  
а ма ду.

# 5

## Синтеме хилар сел мехала хIунда ду?

**В**айна Деза Са хеза, вайн сагатдеш хIума а доцуш, синтемехъ вай долчу хенахъ. Дагахъ болу машар Іаламат боккха ницкъ болуш бу, цундела аылла Ийсас: «Машар бүту Ас шуна, Сайн машар ло Ас шуна...» (Яхъяс 14:27). Нагахъ шун цхъа халонаш кхоллаеллехъ, амма аш царна са ца гатдахъ, иблисан шуна тIехъ олалла дац. Шу ницкъ болуш ду, нагахъ, Делаҳ а тешна, синтемехъ Іаш делаҳь. Нагахъ доыхна а, кхераделла а шу хилахъ, хIоътина хъал аш иблисан кара дIало. Халачу хъолеҳ нислахъ, синтеме хила. Иблисан карахъ ловзо хIума ма хила. Хала хеташ делаҳь а, халачу хъоле нисвелча, стаг латкъамаш бан, лен, бехкаш даха, тийжамаш бан волало, ткъа оцу дерригено, хъал чолхечу а доккхий, иблисан агло чIагIой.

Делан Йозанашкахъ айлла ду, вайн дешнашка йоккха алу яккхалур ю, ткъа вайн мотт «...дегІан вукху меженашна юккъехъ вон дүнне санна бу. Матто дерриг дегІ а бехдо, вайн дахаран некъ хъала а латабо. Ткъа ша жоъжахатин цІерах хъалалеташ бу иза» (Якъуба 3:5-6). Ибисан Іалашо шун синтем ділбаккхар ю, Паккха шу ледан атта хир ду цунна.

Аш тидам биний, дукха хъолахъ хІун хуылу, шу Делан цІийне даха кечделча я Делан Йозанаш деша охаховша лууш хилча? Тешна а, цхъацца халонаш нисло-кх?

Хъалха кІирандийнан Іуюйранна тхан чохъ сел йоккха гловгІа готтий, тхо наггахъ бен ца доылхура Делан цІийне вовшашна вас ца еш. Цхъа хІума йовра, цхъаъ, охъа а южий, каглора. Тхан бераш дерриге а деношкахъ дика Іара, амма кІирандийнахъ вовших латтаза довлура. Сөяга гловгІа лан ца ло, цундела гонах дерг гал мел дели а, со оыгІаз алссам йоъдура. Со лен йолалора, массаърга а сайн резацахилар дІа а хоуйтуш. Ткъа Дэйвна ца деза лер а, латкъамаш бар а, цундела сөяга саца олурा цо.

Паккха со гуттар а чуьра а йолий, тхойшиннан дов долура. Тхан гловгІанаш а хезий, бераш делха дуyllалора. Оцу хенахъ тхан жІаъла хуылура, цхъаиннан мача бага а

юллий, чухула дедда лелаш, ткъа дерриге а оцу мачина тIера дладоладелла ма дарий.

Якъубан Кехата тIера 3-чу коыртан 18-гIа аят юха а доышуш, со кхийтира, вай Делан цийне даха девлча, хIунда нисло и саннарг. Шун дегнашкахь машар хила беза, Делан Дош шуьгахь чIагI а делла, цуынга дика стольмаш балийтарьхама.

Шун сих-сиха хуълий оыгIаздахар, Делан цийне даха кечлучу хенахь? Диц ма де ибисан мекара хилар, ладугIуш хила, дера «вайна-м цуынан лаамаш бевзаш ма бу» (2 Коринтхощка 2:11). Оцу аятан кхечу гочдарехь ибисан вочу Іалашонех дуьйцу. Цо тайп-тайпана китарлонаш лелайо, стаг ле а вина, харц новкъя длавигархъама. «Собаре а, сема а хила! Шун мостагIа ибис ду, гIигI ден лом санна, цхъя дIакхалла гIерташ давлла лелаш» (Кипин хъалхара кехат 5:8, СПБ).

Цуынан ижу ма хилалаш! Шаш собарх доха а, оыгIаздаха а дуьйладеллехь, цу сохъта низаме а дуьйлий, синтеме хила.

Дагахь латгаде: шун дагтIехь машар хилар – иза шун ницкъ бу.

«Ма йита ибисана цхъя а меттиг» (Эпасхощка 4:27). Иза вайн дахаре догIу, вай собарх доыхна а, оыгIаздахна а хилча. «Шаш дарделлачу хенахь къинош ма летаде. Малх дIа

ма бузийта, шаш дарделлачохь а дуьсуш.» (Эпасхошка 4:26). Кхечу кепара аылча, дуккха а хенахь цу хъолехь Іан мегар дац.

Вай собарх доыхна а, оыгІаздахна а хилча, вайн самукъадалар дІадолу, ткъа самукъадалар дІадылча, вайн ницкъ а дІаболу. «Везачу Эло лучу хазахетаро чIагІдийр ду шу» (Нахьми-ЯхІу 8:10, СПБ).

Паччахъа Дауда шен сине олура: «Хьо хIунда ду гIайгIане, сан са, доыхна хIунда ду хьо? (Сел гIайгIане хIунда ду хьо?)» (Назма 41:6). «Соъга, юха а дирзина, шу хъойжуш делахъ, кIелхъардевр ду шу. Шу собарца сох тешахъ, ницкъ хир бу шуъгахъ». ( Сох тешахъ, ницкъ хир бу шуъгахъ. Синтеме а, собаре а хила). (ЕшаI-ЯхІу 30:15).

Дезачу Сино Ша машар а, синтем а болчохь хаадолуйту. Иза вайца ца хуьлу, вайн дагтIехъ кегари хилча.

Ийсас шиша цхъяньна кхузткье итт мурд вахийтира, цаърга жинах дІа а дохуш, цомгашчарна дарбанаш леладайта а, Хаза Кхъа кхайхабайта а. Цо тIедиллира царна, гIали чу девлча, цхъана ханна чохь Іа цIа схъалаха, чу а девлла, цу цленна машар беха, нагахъ машарца тIе ца эцахъ, шайн мачаш тIера чан охъа а эгаяй, цIа чуъра дIагIо аылла.(Лакас 10:1-11). ХIунда? ХIунда аылча Ийсас тIедиллинарг цхъа

а хIума далур дац царьга, нагахь машар болчу хъолехь уьш ца хилча.

«...ДоIанаш де, шаш къилахь долчу лаамашна кIел ца дисийта» (Лакас 22:46, СПБ). Шайн ницкъаца иблизана дуьхъало ян ма гIерталаш. ДоIанаш де, Дала шайна гIо даре а, ницкъ баларе а доьхуш, иблизана дуьхъал латта.

«...Со воцуш шуьга хIумма а далур дац»(Яхъян 15:5). Дала леррина къобалвничу Ийсаца шуьга дерриге а далур ду (хъовса «Пилапахошка 4:13). Иштта « чагIло Везачу Элаца а, Цуьнан боккхачу ницкъаца а» (Эпасхошка 6:10, СПБ).

# 6

## Зу́йчу хенахь вай дийриг

«...Вон тIедеанчу дийнахь дувхало ян шайн  
таро хилийтархъама а, массо а хIума  
кхочушидича, кхидIа а латтархъама а (шайн  
меттехь ондда латтархъама)».

Эпасхошка 6:13

**В**ай Дала кхойллина тайпа ду. Ша леррина къобалвинчу Ийсаца вай дөвзна хиларна, Дала вай кхойллина, хъалххе дуэйна Ша вайна кечдина долу дика гIуллакхаш вайга кхочушдайтархъама.» «Шаш Дала леррина къобалвинчу Ийсаца дөвзна хилар бахъана долуш...» (Эпасхошка 2:10,13, СПБ). Шина а аятехь яздина ду, вай Дала леррина Къобалвинчунца дөвзна ду аылла. Ийсас аылла: «Нагахь Шу Сыца а хилахь, Сан хъехам шуьца а хилахь, шайна лууург деха, иза шуна лур ду».

Ерриге а халонаш шайна тіе ма лаца, теша, Дала массо а хіуманна тіехъ шайна гІо дийриг хиларх, иза а хууш, синтемехъ хила (Лебархощка 4:10).

Мұлхха а халонаш шух Іиттайларх, Дела юystах вұysур вац, Иза шуна гІо дан vogIur ву. Ткъа шу «дІа а хіттий, хъөжуш Ie, Везачу Эло тахана шаш келхъар муха доху» (Арадакхар 13:14). ХIуъа хилахъ а, машар а, синтем а дІа ма таса.

«...Цхъана а хіуманна тіехъ (блърган негІар тухучу ханна а ) мостагІех ма кхера: иза уыш хІаллакъхиларан билгало ю царна, ткъа шуна – келхъардовларан билгало ю. Ткъа и келхъардовлар Делера хир ду»(Пилапахощка 1:28).

Нагахъ иблиса шуна халонаш яхъ, амма шу синтемах ца дохахъ, аш қунна гойту, ә лелочух қүнан гІуллакх хирг қахилар. Қунна ца хая, шуна хIун дийр ду, шун дод дохо қүннан айтто ца хилча. Ткъа шу синтемехъ хилча, Делан айтто хуылу шун сагатдеш дерг дІадакхса, хIунда аylча дагчохъ болчу машаро тоышалла до шун тешар ҘогІа хиларна (хъовса «Лебархощка 4:3).

Дахарх марзо а оьцуш, Далла хастам бе Цо хаддаза шайн гІайгІа барна. Аш дұыхъало ян

там бу, дахарх воккха муха вийр ву, иза халонех дуъзна хилча.

Амма шу дог доъхна, холчохъ хиларх, уш жимлур ма яц, мелхо а уш кхин а дукха хир ю-кх. Хазахетаран, машаран санна, ницкъ бу, иза шу Делаҳ тешаш хиларан билгало ю, ткъа цо халачу хъолах шу сихха чекхдовлийта гло до.

Хъалха суний, Дэйвний цхъацца халонаш тіелиттаелча, цатемаш хилча, иза дог доъхна ца хульора, хъалха санна, дахарх самукъадолура цүнан. Ткъа суна со декъаза хетара, сайн санна, цүнан а бала хіунда бац тхан халонашца айлла хетара.

Ахча ца тоуш, кест-кеста халонаш хульора тхан. Уш длаевриг хиларх тешна волчу Дэйва олура: «Делан Йозанашкахъ айлла ду, вайн халонаш Деле діало, хіунда айлча Иза вайн гайга беш ву. Цунна вайн дерриге а хъашташ хаъа, тіаккха ас стенна сагатдан деза? Сагатдаро вайна ахча дахъар дуй?»

«Дэйв, – олура ас цүнга, – суна и дерриге а хаъа, делаҳъ а хъо хіумма а ца деш Йойла ма дац.

Хіуъа дина а, цо цхъаъ дан лаъара суна.

– Дика ду, Джойс. Хіун дан деза ас?

– Доіа де, вайн халонаш діаяха алий.

– Ас, хінцале доіа а дина, Деле дехна, тхан халонашка хъажахъара айлла. Ас Цүнга

хъттира, хIун дан деза ас оцу гIуллакхца доъзна. Цо соъга хIумма а ца элира, цундела суна цхъя а бахъана ца го и халонаш аттачу яха гIерта а, дог доъхна хъийза а.

Деган кIоргенехъ суна хъара, Дэйв нийса вуйла. ХIетте суна чохъ долчу цхъана озо бохура, оццул дог дохо хIуманаш тIехIиттина хилча, самукъадаълла муха лелар ву. И хъал масех шарахъ лайттира, тхан халонаш мосазза хульу: Дэйв, доIа а дой, паргIат хульура, со доIа деш а, дог этIаш а лелара. Суна со декъаза хетара, ткъя Дэйв дахарх воккхавеш лелара. Дала гуттар а гIо дора цунна халачу хъолах чекхвала. Эххар а со кхийтира сайн сагатдарша диканиг дахъар доцийла. Суна со декъаза хетара, ткъя оцо, хетарехъ, сан доIина жоп сецадора.

ХIинца суна хъа собаре хила, хIуъа хилахъ а.

Ийсас айлла: «Дүненаяхъ (вайна гонах долчу) гIайгIа хир ю шун, амма доъналла долуш хилалаш! Со тоyllа дүненал» (Яхъян 16:33). Дахарехъ халонаш йоцуш ца хульу, амма вай царна кIелдиса ца деза (Лакин 8:13; 1 Коринтхощка 10:13; Якъубан 1:12). Вай – толамхой ду Дала леррина къобалвина Ийса бахъана долуш (Римахощка 8:37). Шайн цхъя а

хало йоцчу хене са а ма тийса. Машарехь хила – тIаккха толам гуттар а шуъгахь хир бу.

Векалера ПахIалера масал эца. Иза тоам беш Iийна, ша къен волчу хенахъ а, хъал долуш волчу хенахъ а (Пилапахошка 4:11-12). Нагахъ иштта лела шу а ца Iамахъ, шун дахарера халонаш цкъя а дIаевр яц. Дагахъ латгаде, нагахъ, цхъана хъолах пайда а оъкуш, ибласо шу охъатаIийна латтош делахъ, цуынга шуна тIехъ олалла далур ду. Ткъя дагчохъ машар а болуш шу хилахъ, мульхха а харцонаш шуъга эшалур ю.

# 7

## Таханлерчу дийнахъ даха

«Кханенна сагатдеш, ойла ма е (гайгын  
ма хила) – цуьнан шен Да ву. Хора де а шен  
гайгыа яхъаш догыу.»

Мамтайс 6:34

Дагчурга машар діабаларан ма-дарра долу бахъана – кханалерчу дийнан гайгыбар ду. Тахана тоъал гуллакхаш а, халонаш а яц вайн, кханалерчу денна са ца гатдича а? Дала вайна тахана го до, Цо кхана а дийр ду вайна го. Цул сов, дукха хъолахъ вайн сагатдарш эрна хуьлуш а ду. Цкъацца нисло, вай сагатдо цкъа а хир доцчунна а. Ткъа сагатдалар кхераме дирзинехъ, вай кхийринарг вайна хир а ду.

Ма кхера кханалерчу дийнах. Дела тешаме ву, кхана дан дезарг Цо кхана дийр ду. Цуьнан ницкъ бу мульхха а шун хъашт кхочушдан, цундела кханалерчу денна гайгыбаро

таханлерчу дийнахъ дахарх марзо эца аytto ма бохабойла шун. Вайга дуккха а далур ду, нагахъ Делах а тешна, таханлерчу дийнахъ вай Iаш делахъ.

Ас и урок схъайцира, Делан Йозанийн коллежехъ со хъеха йолаелча. Цу хенахъ со дувзинчу дийнахъ болх беш яра, иштта, динан ден Гоынча со йолчу Делан Цийнхъ кИранах цъя хъехам а бора ас, цул сов, дий бер а дара сан. Цеххъана сан аytto хилира кИранах кхузза хъеха. Со сатуйсуш яра цу балхе, эххар а и аytto сан хилира. Амма занятеш совъевлча, царна кечамбар а совболура. Сан леррина Делан Йозанаш Iамо дезара, занятешна кечам ма-хуъллу дика бархъама. Кечамбан сан сарахъ ben аytto бацара, хунда аylча дийнахъ сарралц со балхахъ яра.

Дуккха а доланаш а, ойланаш а йинчул тIаъхъя и Iаламат чолхе гIуллакх тIелецира ас, дерриг а Дала гIодаре диллина а долуш. Айса иза муха кхочушдийр ду а ца хаъара суна. Амма денош дIаъхура, со дерриг а дан ларайора. Дала массо а гIуллакха тIехъ гIо дора суна. Ткъя шолгIачу шаражъ суна дуккха а атта дара, хунда аylча массо а урокийн конспекташ яра соьгахъ.

Ши бахъана дара Далла ас и болх тIелаца лааран. Цъя-делахъ, сайна зеделлачунна тIехъ

суна хиира, таханлерчу дийнахъ ваха мегарг хилар, кханалерчу дийнан Гайга а ца беш. Ткъа шолГа-делахъ, Цунна лиира сих-сиха хъехамбарх со йолийта. Хинца оцу гуллакхо го до суна, Делан цийнехъ дечу бечу балхал сов ас дуккха а конференцеш а йо, тайп-тайпанчу пачхъалкхашкахъ кест-кеста Хаза Кхъа бовзуйту.

Нахана цатам беш ду цара хъалха дийлийтина Галаташ а, ледарлонаш а. Галаташ вай массара а дуйлувьиту. Ур-аттал, шуна хетарехъ, массо а хенахъ дерриге а нийса деш ву айла хетарг а наггахъ галволу.

Вай наггахъ дан а до, дийца а дуййцу Тайхъа вавш дохкодевриг. Амма хъалхалерчу Галаташна сагатдечул, увш нислур доцийла а хууш, церан Тайхъе даяккхар Далла Тедиллар голехъ ду.

Цъяацца со дохкойолу айса совнаха айлачунна. Амма айса цхъанна халахетар дарна я цхъаъ оыгазвахийтарна сайн садааран меттана, ас доыху Деле длахайталахъ царна, ас иза ларамаза дина хилар олий. Ткъа со паргыат хульу, са а ца гатдеш, и нах гича, кхералой, хаба а ца хебаш.

Хъалхалерчу Галаташна дохкодийлар вайна гур хила мегаш ду.

Асий, Дэйвий кест-кеста делкъе цийнал арахъя йо. Нагахь я хIума ледара кечъечнохъ я гIуллакх дика ца дechoхъ а нисло. Хъалха ишттачу меттера арадевлча, тхо дехха Iара цига дахарх дохкодовлий. Амма хIун пайда бу цунах? ХIума йиъна а, цунах ахча дIаделла а тхо девлла, вочу яа хIуманах долчу тхан халахетаро хIумма а хуьцур дац. ХIинца ишттаниг хилча, оха дуъххъалдIа олу: «ХIара хIума яа восьду меттиг яц, вай кхин цига гIур дац».

Тхан цахъ кхозуш у ду, иштта йоза тIехъ а долуш: «Нагахь шу хъалхалерачуынца дехаш делахъ, аш шайн дахар чолхечу хъоле доккху. Нагахь шу хиндолчуынца дехаш делахъ, шух хъобгийла дац. Амма аш хазахетарца хIора догIу де тIеоъцуш делахъ – шу нийсачу новкъахъ ду!»

# 8

## ДоIано машар бахъа

*«Цхъана хIуманан гIайгIа ма е, амма мел  
дечу доIанашкахь а, дехарикахь а, баркалла а  
кхайкхош, шайна оьшург Деле дIахайта.  
Плаккха шун мульхачу кхетамал лакхара а  
йолуш, делера схъайогIучу синпаргIатоно шун  
дегнаш а, шун хъекъалии а лардийр ду, шу Дала  
леррина къобалвинчу Иийсаца доьзна долу дела».*

*Пилапхошка 4:6-7*

Шуна чохь кхетамал а лакхара болу машар  
кхууь хъал ледара долчу хенахь, ткъа шу,  
ситет байна а, доьхна а, холчу хIиттина а  
хиларан меттана, инзаре паргIат Iаш хуьлу.

Шайн халонаш Иийсага дIало. «Берриге а  
шайн гIайгIанаш Цунна тIе бахка, Изя шун бала  
булуш ву» (Кипин хъалхара 5:7).

Кхечу гочдарехь и аят иштта далийна ду:  
«ДIало Цуынга шайн гIайгIанаш, дерриг а шайн  
сагатдийриг, халахетарг, хIунда аьлча Изя  
шуьга хъоьжуш ву, шен хеннахь шун гIайгIа

бархъама». Ма дика айлла ду иза! Мел новкъадогIу цхъаболчу Йийсана тIаъхъахIиттинчара оцунах пайдыца оьцуш. Ткъа шух хIун эр дара? Аш дIалой Цуынга шайн гIайгIанаш? Нагахь ца лахъ, шуна гIолехъ ду мелла а сиха иза дар. Шу сих мел ца ло а, аш алсам сагатдо, иблинан шуна тIехъ долу олалла совдолу, цуынан гура юкъара схъадовла шуна хала хуль.

Везачу Эланы тIе сайн гIайгIанаш бахка со йолаеллачу хенахъ, хIора денна царах йолчу ойланаша хъийзайора со. «Веза Эла, со оцу дерригенах ойла а ца еш муха Йийр?» – хъялтира ас Деле. Суна дагадогIу, Цо жоп делира: «Иза атта ду, Джойс, дуъххъалдIа кхечу хIуманан ойла ехъя». Боккъал а дерриг а атта ду: аш шайн халонах ойла ца йо, цхъана кхечу хIуманна тIе шу дирзича. Амма хIетте а шу цунах ойла еш хилахъ, шун ойла дика хир ю.

«Цхъана а хIуманан гIайгIа ма е, амма мел дечу доIанашкахъ а, дехаршкахъ а, баркалла а кхайкхош, шайна овшург Деле дIахайита» (Пилапхонка 4:6, СПБ). ДоIанаш де, цхъана а хIуманна са а ца гатдеш, тIаккха шун «Делан машар хир бу, мульххачу хъекъалал лакхара болу». Кхечу кепара айлча, адаман кхетамал лакхара болу машар. Ткъа коврте вон ойланаш ца хъийзийта, «билггал бакъдолчух, оъзда

долчух, нийса долчух, цэна долчух, тамехь долчух, дозалла дан хъакъ долчух ойланаш е» (8-га аят).

Ас доIа до, Везачу Эло шуна и дерриге а шайн дахарехь лело гIо дар а, Цо шуна кечдинчу декъалдарех аш зовкх хъегар а доъхуш.

# Керла дахар доладе!

Нагахъ аша Дала леррина Къобалвинарг тIеэцаза велахъ, шу иза хIинца дан айтто бу. Даггара хIара доIа де, тIаккха шун Дала леррина Къобалвинчунгахъ керла дахар хир ду.

*Веза Эла, со теша Дала леррина къобалвина  
Ийса – Хъан Клант а, дуьне Келхъардоккхург а  
хиларх. Со теша Изя жIари тIехъ велла хиларх,  
и дарца сан къинойх мах дIа а луш. Со теша  
кхоалгIачу дийнахъ веллачуьра ден а велла,  
Хъуна аьтту агIор Изя Іаш хиларх.*

*Ийса, суна овшу Хъо, ас Хъо сайн Веза Эла  
санна тIеоьцу. Амин.*

ХIинца дуьйна Ийса шун дагчохъ Іаш хир ву. Дала шуна гечдина, шу Цунна хъалха цЕена ду, кхелхича, шу стигала кхочур ду.

Талха а ца деш, Делан Дош дика хъоьху Делан цIа а лахий, Везачу Элаца уллора юкъаметтигаш дIанисьян дуьйлало.

*Делан Дош хааро а, кхочушидаро а хуьйцур ду шун дахар: «...нагахъ шу Сан дош лардеш лелаши делахъ, шу билггал Сан мурдаши ду. Шуна билггал долу бакъдерг а девзар ду, цу бакъдолчо шу паргIат а дохур ду» (Яхъяс 8:31-32, СПБ).*

*Делан Йозанаши деша а деша, Іама а де, уьш шайн дагчу дийшийт. Муылххачу хъолехъ Делан Даши хъовса – цо нийса саџам бан хъовхур ду шуна.*

*Безамца, Джойс Майер*

# Авторх лаъцна

Джойс Майер – дүнненchoхъ евзаш йолу Делан Йозанийн хъехархо а, бестселлерийн автор а ю. Цо язина еэткъа сов книжка, царна юккъеъ шуъйра евзаш йолу ишттанаш а ю: «Со а, сан беха мотт а», «Делан ниIмат ца хиллехъ», «Мила ву чохъ хIусамда», «Кхетам – тIеман аре». Цо ши роман а язина, ткъа иштта шен хъехамаш тIехъ болуш эзарнаш дискаш ара а хецна.

Джойс Майеран «Хазахетарх дуъзна дахар» цIе йолу теле- а, радио а программаш дерриге а дүнненchoхъ гойтуш а, хозуйтуш а ю. Иштта, дүне мел ду массанхъа а тайп-тайпана конференцеш а йо цо.

Джойсан а, цуынан майрачун Дэйван доккха диъ бер ду.

США-ахъ, Миссури штатехъ, Сент-Луис-Галахъ бехаш бу уш.

*Деле діало шайн ГайгІанаши,  
Цо юханехъа синтем а, хазахетар а лур ду шуна!*



Цхъа сацам бечу хенахъ вешан дагтІехъ болчу синтеме ладугІу вай. Дукха хъолахъ сацам тІеэца оьшуш я ца оьшуш хилар оцу синхаамо луш йолчу билгалонца хульу вайн. Дала бохург а деш лела, тІаккха шун дахар синтемах а, хазахетарх а дуьзна хир ду.

Дахарх даккхийдеш хила, хастамбе Далла Цо массо а хенахъ шайн ГайгІа барна. Аш ала тарло, хала ду дахарх воккхаве, иза халонех дуьзна хилча. Амма шу дот доыхна леларх уьш кІезит хир ма яц, мелхо а алсамъевр ю-кх. Ткъа хазахетар, синтем санна, ницкъ болуш ду, иза шу Делаҳ тешна хиларан билгало ю. Ткъа Далла тІетевжина, Цунах бІобулуш шу хиларо шун халонаш сихха дІайохур ю.